

1726, 18

505

39

FACULTATIS JURIDICÆ
DECANVS,
JO. PHILIPPVS

Streit, JCTVS,

EMINENTISSIMI PRINCIPIS ELECTORIS
MOGUNTINI CONSILIARIVS
REGIMINIS.

L. B. S.

de
actiōe familie Reuocanda.

ERFORDIÆ,

TYPIS GROSCHIANIS, Acad. Typogr.



Um communio solet excita-
re discordias & rixas, ut di-
cit Jctus Papinianus in *L.*
cum pater 77. §. 20. ff. de
Legat. 2. & naturale sit vi-
tium, ut id, quod possidetur
communiter, ferè negligatur. *L.* 2. *Cod. Quan-*
do § quibus quarta pars debetur. lib. 10. *Brun-*
nem. ibid. n. 5. nemo etiam invitus in commu-
nitione detineri debeat. *L.* ult. *Cod. commun. di-*
vid. idque eò minus, quò major injuria repu-
tetur ei, qui de rebus suis aliquid invitus facere
cogitur. *L.* dudum 14. *Cod. de contrah. empt.* et-
iam in re, quam quis. cum alio communem
habet. *L.* 1. *Cod. de commun. rer. alienat.* *L.* an-
te divisionem ib. *Cod. de jur. dot.* Cui tamen
non aliter quàm per divisionem expressam vel
tacitam subveniri potest, quæ sola communio-
nem dissolvit. *L.* pen. *Cod. commun. divid.* *L.* di-
visionis 45. de part. Anton. Faber in *Cod.* lib. 7.
tit. 1. def. 10. n. 2. *Carpz.* part. 3. *constit* 15. def.
43. etiam inter coheredes majorenes & mi-

norenes, si enim coheres major ad divisionem
 provocet, hæc inter eum & minorenes abs-
 que alia etiam causa, & decreto Magistratus fie-
 ri potest. *per L. pen. Cod. de præd. minor. Anton.
 Faber in Cod. lib. 4. tit. 27. def. II. n. 1.* Et in
 hunc finem coheredibus volentibus à commu-
 nione discedere, necessarium videbatur, ali-
 quam actionem constitui, quâ inter eos res hæ-
 reditariae distribuerentur. *L. 1. ff. famil. eriscun.*
 quæ appellatur *familie eriscundæ*, seu heredita-
 tis dividendæ, per quam dividitur hereditas, si-
 ve ex testamento sive ab intestato, sive ex lege
 duodecim tabularum, sive ex aliqua lege defe-
 ratur, vel ex Senatus Consulto, vel etiam con-
 stitutione, inquit Ulpianus *L. 2. d. t.* estque hæc
 actio antiquissima, descendit enim ex lege duo-
 decim tabularum. *d. L. 1. in pr.* Quamvis ob
 summam necessitatem divisionis ipsi juri gen-
 tium quoque adscribi possit. *Colleg. Argen-
 tor. ad d. t. n. 2.* & datur coheredi contra co-
 heredem, ut res hereditariæ, ante non divisæ,
 & naturâ suâ divisibiles, prout rerum fert natu-
 ra & conditio vel æqualiter ab intestato, vel se-
 cundum testatoris mentem, ex testamento et-
 iam inæqualiter dividantur, & præstationes

) (2

per-

personales præstentur. Contra possidentem ve-
rò rem titulo singulari non datur. *L. 25. §. quod
pro emptore ff. d. l.* Nomina etiam, seu debita, &
credita, in hanc actionem non veniunt, quia
hæc jam per *L. 12. tab.* sunt divisa. *L. 6. Cod.
eod.* scilicet, ut quilibet pro eâ parte, pro qua
heres est, debita & solvat, & exigat. Quamvis
autem dividantur, id est assignentur, ut unus
hæc exigat vel illa solvat; per hoc tamen credi-
toribus non præjudicatur, qui non obstante ta-
li assignatione, quemlibet pro portione heredi-
tariâ convenire possunt. *L. licet. 23. Cod. eod.*
Non autem nisi semel familiæ eriscundæ judi-
cio agi potest, per id enim petitur hereditatis di-
visio, quâ divisione factâ, non est amplius here-
ditas, sed potest manere indivisa res communis
singularis, unde judicio dividundo postea agen-
dum erit. *L. 20. §. familiae d. i.* Mixtam esse
hanc actionem, seu partim realem, & partim
personalem defendunt plurimi. Personalem ef-
se dicunt, quatenus oritur ex quasi contractu,
in quantum nempe præstationes fructuum,
damni, lucris, & expensarum continet, quæ utrin-
que pro æquis partibus communicari natura
exigit tacitæ conventionis *§. 3. instit. de obligat.*
quæ

que ex quasi contract. Realem esse, quatenus per eam nobis rem nostram adjudicari, & ab eo petimus, qui nobis nullo jure eatenus, hoc est, ad divisionem faciendam est obligatus, quod utrumque est actionis in rem. *L. actionum 25. ff. de action. § obligat.* Causam proximam hujus actionis, quatenus personalis est, esse dicunt obligationem, causam remotam quasi contractum. Quatenus est realis, causam proximam esse dominium pro indiviso, causam remotam esse titulum cum traditione. Alii defendunt, quod actio familiæ eriscundæ non sit partim realis, partim personalis, in hac enim actione dicunt, non deducitur in controversiam jus in re, nec unus movet alteri quæstionem dominii. *arg. L. i. famil. erisc.* ergo nullo modo est realis, quia in hac jus in re, sive dominium necessariò venit in disceptationem & controversiam. *arg. §. i. inst. de act.* Deinde actio ista perpetuò datur adversus eundem, puta coheredem, ergo signum est, quod sit merissimè personalis, quia actiones reales suapte indole dantur adversus quemcunque possessorem. Adhæc, si actio ista foret ex parte realis, tunc ideo, quia rem nostram eadem petimus; at iners est hæc ratio:

ratio: nam etiam actione commodati, deposti,
ti, ac id genus aliis rem nostram petimus, nec
tamen sequitur, esse ex parte reales: ergo ex
eo, quod memorata actione petamus id, quod
nostrum est, non sequitur, esse ex parte persona-
lem. Porro in *dict. L. 2.* habetur, quod arro-
gatus, si quartam petat, hæc veniat in utile ju-
dicium familiæ erciscundæ. Quod etiam su-
per militis filii familias peculio castrensi detur
hoc iudicium; & quod in eo unusquisque he-
redum & rei & actoris partes sustineat. Sed
quid, si plures sint, quàm duo coheredes, an
hoc iudicium inter omnes esse debeat, vel an
inter pauciores esse possit? Ex cathedra, infi-
mul *dict. L. per familiæ 2. ff. famil. ercisc.* ex-
planabit, quam pro lectione cursoria elegit

NOBILIS ET CLARISSIMVS

DN. GEORGIVS ANDREAS
JOACHIMVS,

Jurium Candidatus eximius,

Natus Lipsiæ die 28. Januarii Anno M DCC,
Patre GEORGIO JOACHIMO, Cive Lipsiensi, Ma-
tre CHRISTINA, natâ ex gente GEHRIANA. Ab
ineunte ætate fidei & disciplinæ Præceptoris
JOANNIS JACOBI GERMINI commendatus fuit, à
quo

quo principia & christianismi & bonarum artium edoctus, à parentibus anno M DCC XII. in Lycæum Provinciale Electorale, quod Grimmae floret, missus fuit, ubi sub informatione fidelissimæ virorum doctissimorum M. ERMELII, Rectoris, M. SCHVMACHERI, Con-Rectoris, M. EGENOLFFI, Collegæ tertii, & JACOBI, Cantoris per quinquennium, & quod excurrit, usque ad annum MDCC XVII. commoratus, & studiis inferioribus absolutis, in patriam reversus, collegia Philosophica D. ANDREÆ RIDIGERI, ut & viri Consultissimi D. AVGVSTI FRIDERICI MÜLLERI, juridica verò D. PHILIPPI, *Facultatis Juridicæ Senioris*, & D. JOANNIS FRIDERICI OLEARII, *Cod. Prof. Publ. & Facultatis Juridicæ Assessoris*, D. JOANNIS CHRISTOPHORI SCHACHERI, *Cod. Prof. Publ. cur. suprem. Elect. & Duc. Facultatisque Juridicæ Assessoris* frequentavit. Tandem ad suam instantiam anno M DCC XX. prævio examine pro praxi à Facultate Wittebergensi, ad orandas in foro causas admissus, eodemque anno à summo Regimine Princ. Sax. prævio elaborato specimine, & præstito juramento, in numerum Advocatorum receptus fuit, & hætenus tam tractationi causarum in foro,

352
foro, quàm lectioni collegiorum Theoretico-
rum & practicoꝝ operam dedit. Nunc ad
summos in utroque jure honores consequen-
dos contendit. Laudabile hoc desiderium Fa-
cultati nostræ per literas decenter exposuit, ut
ergo voti sui compos fieret, transmisimus non
solum textus ex utroque jure elaborandos, sed
& terminum examini præfinivimus, in quo
præfatos textus memoriter tam exactè resolvit
& enodavit, nec non ad quæstiones propositas
tam doctè & solidè respondit, ut non solum ad
ulteriora specimina edenda admissus, sed & gra-
du Doctorali dignissimus, unanimi judicio &
ore, judicatus sit, quare cras horâ nonâ matuti-
nâ, dict. *L. per familia 2. ff. famil. ercisc.* in Au-
ditorio Jurisconsultorum majori cursoriè expla-
nabit, eaque explanatione absolutâ, Disputatio-
nem inauguralem DE RECONVENTIONE habe-
bit. Quibus actibus, ut Magnificus Dn. Re-
ctor, Domini Proceres & Cives Academici fre-
quentes interesse velint, decenter rogantur, in-
vitantur. Publicatum sub Sigillo Facultatis Ju-
ridicæ ii, Augusti MDCCXXVI.

(L. S.)

Erfurt, Diss., 1725-26

ULB Halle


005 367 786

3



VD18





1726, 18

505

39

FACULTATIS JURIDICÆ
DECANVS,
JO. PHILIPPVS
Streit, JCVS,
EMINENTISSIMI PRINCIPIS ELECTORIS
MOGVNTINI CONSILIARIVS
REGIMINIS.

L. B. S.

de
actiue familie Revisioudal.

ERFORDIÆ,
TYPIS GROSCHIANIS, Acad. Typogr.